

近代中國史料叢刊三編第八輯
沈雲龍主編

當代名人小傳卷上

沃丘仲子著

文海出版社

有限公司

印行

沃正仲子著

當代名人小傳

當代名人小傳敘

自史由官撰。毀譽失真。而稗官之說。與班志所載之小說家。其足補正史之闕者。蓋猶得什二焉。垂及趙宋。學子士夫。競立門戶。互以愛憎。撰爲私史。明代作者。遂益加厲。其舛錯作僞之迹。爲毛大可李穆堂錢竹汀諸家所糾者。殆不勝屈數。於是治國故者。相戒勿援。據稗史。而好同之。陰惡畸士之軼行。閭修之潛德。遂不可復識。故曰史法益嚴。而傳聞益隘。去年客京師。讀沃丘仲子所爲近代名人小傳。喜其立言之旨。不謬龍門。雖小節攷訂。少疎。而是非之公。近代作者。蓋無以加焉。嗣得湘潭王叔逸書。知仲子實今之孤憤介特人也。今年三月。特訪之滬上。相見。抵掌言。近四十年事。若誦故書。殆所謂多識前言往行者。復睹所爲當代名人傳。人數弗逮。茲傳之多。而事蹟尤詳。當所見世故。應若是夫人材國之楨幹。名人尤世所稱道。而其行誼。知略。麤麤者。實居泰半。聞通風。

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



氣。改。良。教。育。且。二。十。年。於。茲。矣。吾。安。以。徵。其。功。效。哉。知。世。之。讀。者。當。亦。廢。書。太。息。也。長。沙。唐。祖。周。

當代名人小傳自叙

傳例生存人歸當代。今乃收及袁世凱蔡鐸諸人者。以世凱任總統。後於孫文。鐸事蹟莫踰于拒帝制也。伶人不復立傳者。以其行事多瑣瑣也。清宗室王公。不入遺臣者。以受僭同於蒙古也。有帝制黨而無復辟黨者。以遺臣中皆主復辟也。別立獨行者。淵宗媯金鑑著者。皆友其人。以其剛耿獨介。世無儔匹。葆廉則讀所爲。緘札而知其思慮之純遠也。民黨止紀四人者。非敢薄視之。以今日自承民黨者多眞質。弗可卒辨也。又若傳文人。載入孫雄者。以報紙謂其已歿也。嗣得雄手書。知方隱於玉城。且觀所作感舊詩。肥遯自甘。晚節信堅貞矣。馮煦本遺臣。而收之文人者。以其治拯實拜世凱命也。不紀列女者。今所知則女偉人若沈佩貞之流。吾恐紀之貽後世笑也。是皆無書史攷證。徒恃臆記地名。與歲月蓋不免小誤。大端庶或不謬爾。

著者識

當代名人小傳目錄卷上

元首

孫文

袁世凱

黎元洪

徐世昌

馮國璋

官僚

唐紹儀

趙秉鈞

熊希齡

王士珍

陸徵祥

段祺瑞附弟祺勳

伍廷芳

李經羲

錢能訓

蔡元培

施肇基

王寵惠

周學熙

陳振先

許世英

范源濂

湯化龍

梁啟超

章宗祥

張一驊

王克敏

孫洪伊

陸宗輿

龔心湛

傅增湘

田文烈

陳錦濤

曹汝霖

張元奇

周樹模

莊蘊寬

孫寶琦

汪大燮

蔡儒楷

張瓠

鈕傳善

江庸

沈銘昌

王揖唐

饒漢祥

韓國鈞

齊耀琳附弟耀珊

汪瑞閩

戚揚

孟憲彝

陳廷傑

王瑚

王祖同

張鳳臺

呂調元

朱家寶

張鳴岐

畢桂芳

李開侁

段書雲

郭宗熙

朱慶瀾

周善祥

方樞

榮勳

金邦屏 林長民

吳廷燮

金還

吳笈孫

葉恭綽 龍建章

高增爵 宋聯奎

汪聲玲 黃家傑

張國淦

何煜
陳馮善徵

蒲殿俊
鄧鎔

施愚

馮學書

蔣林熙

鄭焯

夏同龢

楊晟

陳廷緒

史紀常

羅述稷

黎澍
沈致堅

裴景福

胡維德
維賢

高而謙

劉鏡人

劉式訓

顧維鈞

汪榮寶

李家整
李鴻漢

黃開文

徐鼎康

冒廣生

王荃本

黃慶瀾

孟昭常

陳琪
榮厚

鄧邦述

張壽齡

丁乃揚

屈映光

李國筠

張鎮芳

吳敬修

趙維熙

劉人熙

陶炯照

鍾文虎

嚴家熾

劉蕃

汪一洋

殷汝驤

谷鍾秀

丁傳紳

卷上 目錄

四

李日垓

陸邦純
劉鈞
楊福璋

徐世光
世章

王慶
周晉

劉考祚

帝制黨

梁士詒

周自齊

朱啓鈴

嚴復

袁乃寬

楊度

孫毓筠

顧燏

馬良

薛大可

卷上終

當代名人小傳卷上

沃丘仲子著

●元首

孫文

文少小棲遲海外。身世弗可畢詳。據所自著書。則其謀革命。實在中東戰後。越十有七載。乃還國任第一次總統焉。文其名逸仙。其字廣東香山。其籍幼習醫。澳門奉基督教。當清光緒乙未間。嘗上書政府。籲變法。不報。遂組中會。謀革改。然如康有爲上書公車上書。世人皆熟聞之。若文變法議。則得寓目者鮮矣。其倫敦避難記有言。清制不准私書言政治。涉及兵事者。日殺毋赦。而草廬絲略。校邠廬抗議之類。方充坊肆間。棟初不聞其干禁令。蓋孫氏於國內情事。多闢膜。亦如國人於彼身世云。然其人風儀整爽。目炯炯有神。高冠燕尾衣。咸稱其體周旋進退。皆中西式。接人藹然。不持威儀。尤長演說。誠二十世紀新人物。

也。革命事著。清廷購之急。龔照瑗誘入倫敦華使館。將縛以歸國。賴其友救得免。既改中爲同盟。展轉海外。圖排滿。辛亥鄂軍起義。陳其美督滬。同盟會友也。乃聯黃興。返文歸。被舉爲總統。已而避位讓袁。乃游京師。據偉論。將大假外債。築鐵路二十萬里。練兵五百萬。袁氏任爲全國鐵道總裁焉。未幾。宋教仁蒙難。文主以法律解決。而黃興、李烈鈞已起兵。不得已。亦主討袁。弗克。乃之日。本立機關部於青山。以陳其美爲理事。頻遣人內渡。發難。胥無功。帝制敗。始返國。時段祺瑞秉政。民黨不獲進用。怨望日滋。迨獨立。粵桂自主。文遂開府廣州黃埔。自稱海陸軍大元帥。所倚唯滇軍張開儒與桂軍。不相能。一日。突有人以砲轟擊督軍署。或謂出文指揮。勢益水火。後聞儒見擊。軍政府改組。竟快。快去。然舊議員多黨文。仍舉爲政務總裁。而非所樂就也。當民國同盟會改而爲國民黨。外軍官內議員。黨人居泰半。多挾盛陵人衆。不能堪。譽亦驟減。

其起。義討。洪憲。則所任如。[]。英大洲之流。或受制日人。或濫召匪黨。膠滬之間。肝腦塗地。十室九空。東人至今言之。猶切齒然。皆出陳[]。指不得專罪[]也。或

謂其左右如戴天仇。丁人傑之流。皆年少美風姿。故寵最固。則醜詆之辭。或不足盡信矣。

袁世凱

世凱者。恃權冒利人也。且挾其恃權冒利心。以衡天下。以爲信義廉恥者。皆迂儒。庸語。詎足信。法苟有權。以制人有利。以餌人。則國之人。任其操縱矣。庸知風氣既壞。彼狂悖武夫。貪鄙政客。見川粵屢敗。馮王騎墻。知大事已去。漸露拙貳。世凱睹狀。憤憤以死。其末路。迨同袁術。是可喟矣。字慰庭。父保慶。官江南鹽運道。項城世族也。少恣縱。吳重熹守陳州。考試拔前茅。得入邑庠。旋以資爲中

書。光緒壬午。從吳長慶征朝鮮叛黨。以功擢同知。留戍朝。後歸謁鴻章。論朝之政。局地勢。語皆中窳。異其才。奏派充駐朝商務委員。朝吾藩屬。舊與歐美諸邦訂約通商。商務委員者。實上國監其外交官也。世凱既任事。頗干其內政。日人嫉之。迨東學黨事起。初卽主戰。屢電北洋及譯署請兵。戰作。我軍敗績。朝爲日踞。遂歸國。時已屢保至道員。入對時。敷陳練兵製械事。慷慨詳明。德宗動容。立授溫處道。仍留近畿治軍。屢遷至江寧布政使。皆未之任。以小站爲軍區。練習西操。將校俱北洋武備生。號新建陸軍。戊戌人保國會。附康有爲主變法。七月有爲屬其逐榮祿。衛帝行新政。突中變。告密于祿。謂康梁傳帝旨。令其殺祿。圍頤和園。禁拉后。政變禍以作。后由是傾心任之。擢工部侍郎。移山東巡撫。卒禍發。世凱主勦匪弭外衅。齊魯得安。鴻章死。代爲直隸總督。遂編聶士成潰軍爲巡警。重賦稅。行諸新政。趙秉鈞司警。故悉津俗。蒞事一治以嚴。盜賊斂迹。民用

大安。繼復編練新軍。訂內務條例。起兵工廠于德州。北洋凡七鎮。以新建軍舊校分充統將。歲截曠三百萬。初不報部。以什三貢拉后。賄李蓮英。奕勛諸人。以什三爲軍官津貼。餘則納之私囊。所謂軍官津貼者。標營排隊各官。苟千軍紀。撤任後。可駐軍聽差。日給以資若干。有缺出。仍得補還舊職。其優容類若此。故諸士爭頌其賢。自是兵日多。國用日匱。借款供度支之禍。作丁未。瞿鴻禨遂召爲外務部尙書。軍機大臣直隸則以所薦楊士驥代。士驥因月提糧餉局金三萬。供世凱京邸用。徐世昌于奉天。所餽視此爲差。德宗拉后後先崩。載澤乞孝定。誅世凱爲先帝復仇。張之洞等諫阻。乃託言足疾。放之歸。積資凡二千萬。家彰德。起園林若城堡。自世昌入值。密勿爲游說諸親貴。載濤等意漸解。那相且疏舉其爲內閣協理。孝定終弗納。未幾。鄂革命起。蔭昌率師討之。道彰德來謁。諷之曰。鄂亂不足平。而吾度不決。月風潮將遍全國。子其慎之。已而果如其言。

時北洋諸將亦爭請起舊帥。昌村已才不足節制。疏密推袁。奕劻主立召用。載澤尙尼之。劾謂今禍緣借款築路。宣懷瑞徵實尸其咎。非世凱孰能定變者。澤語塞。袁嘗納宣懷巨賄。力荐其總郵傳徵。則其嫻姪也。於是授欽差大臣。湖廣總督。劾昌復言非昇以重任。不足收拾全局。適張紹曾以兵諫實行立憲。勅議會舉閣員。議員已夙承世凱運動。投票什九。遂擢總理大臣。仍遙領前敵軍事。九月杪至京師。請罷載灃攝政。孝定畏其威。勉從之。且予侯封。以示異寵。乃曠段祺瑞等電請清帝讓位。因入告孝定曰。今禍在眉睫。不速決者。焚矣。后知旨。願讓國。唯涕泣乞其保護幼帝。領之。遂任全權代表。而令其門人唐紹儀南下議和。所議之惟一之祕密條件。則第一任總統必推世凱也。孫文慨許。避位。然猶遣使要其至南京就任。曠第三鎮兵焚掠京師。已竟假辭留鎮。弗行。而由是兵變禍遂頻作。始任事。頗接納民黨。奉孫黃以殊禮。而南人日有責言。

趙秉鈞朱家寶憤告曰。徒居元首。何若領北洋。時雖笑。不置答。而亦漸卻。民黨要求更喉。諸議員武人。詆孫文侵蝕比款。詞連唐紹儀。紹儀不能堪。潛逃去。袁幕內部分。搆蓋自茲始。適孫武入覲。爲好爵所誘。盡舉南中情實。以告。且請先發制人。大喜。益兵遣南下。時趙秉鈞營總理急。慮爲宋教仁所攫。屬奸人應桂馨狙擊之。罪人既得。程德全通電宣其讞詞證據。民黨大譁。要求秉鈞就絀於滬。世凱初弗預聞。至是趙入謝罪。慰之曰。吾度若曹必決裂。將假此一舉。殲之。君功在發軔。何謝爲。黃李等興戎北軍。夙戒備以待。屢戰皆捷。二次革命定。長子克定密告秉鈞。行帝制。秉鈞不從。屬阮忠樞言於國務院。段祺瑞厲聲謂勿妄言。然克定志甚堅。既譖孫祺瑞。自與袁乃寬編模範軍。以備異已。楊度孫毓筠立應募爲籌安會。惛毓鼎王芝祥首勸進。而帝制禍遂作。擲中交殖邊三行。及部庫內國公債。新華儲蓄銀一百餘兆。復自出私財千餘萬濟之。其資籌安。

會參政院及各省選舉約三千萬。大典籌備處二千餘萬。犒軍警千餘萬。賄某國報界。賜蒙古諸王公約五百萬。偵探費五百萬。餘皆供川粵軍需。後帝制雖取銷。而部庫如洗。紙幣信用掃地。金融恐慌。禍遂作。先是五月九日約既訂。頗欲假日力制民黨。迨改元。聯日益堅。方明命遣周自齊使日。議密約。而日人拒之。自是強鄰干我內政。禍作。及蔡鍔起義。猶思剋日。薙獮已。而陸榮廷獨立。朱瑞逐。陳宦變。取銷帝制。復任段氏。無何。陳樹藩逐。陸建章自代。報至。方飯拋箸。長嘆。知總統且不可保。半世英名。行將掃地。乃縱慾求速死。間飲狂藥。聞張宗昌遣人擊斃陳其美。則張晏驩飲。未幾卽病。五月竟歿。歿之日。頗怨祺瑞背恩。視克定亦有怒容。世凱不畏艱險。善謀能斷。對人縱談。往往無端中輟。則他慮生。固持名節。仕清室。夤緣親貴。奄寺蔑所不至。私貢拉后。尤豐。嫉文人所援。皆武夫俗吏。喜狎游。居彰德。時客有過者。輒召馬班伎侑觴。唯生平惡烟賭。姬妾

子女多至四十人。有朝鮮姬寵最專。然夫婦雍睦。故閨內安和。諸子中唯克定。狡黠陰鷲尤過其父。克文揮霍好游嬉。而工文皆負時名云。

黎元洪

字宋卿。黃陂人。少肄業天津水師學堂。學成。供職兵輪。屢保至花翎守備。擢副管駕。甲午日朝之役。禦敵旅順口外。敵砲中船要害。弗能駛。乃自鑿沈之。投海以殉。適近港船多。爲人救起。得不死。其時海軍全燼。北洋無可謀置頓。乃走還里閭。張之洞方練自強軍。苦將校難得。元洪嘗上書言兵事。中肯綮。初令襄武備學堂。未幾。卽移統軍隊。歷遷爲常備軍統領。改混成協。協統。從事南北軍秋操。頗叨獎敘。擢至參將。宣統間。授協都統。同官第八鎮。統制張彪起。猥賤。弗爲人齒。尤侵蝕饗需。所部嘖嘖有煩言。元洪獨礪廉隅。好獎薪。每校操。以已資購皮鞞。巾瓶之屬。資其下。鎮部以長官中飽。服裝製不如時。多破敝。協部則軍用。

品。威。整。潔。人。以。是。頗。譽。彪。而。稱。元。洪。廉。惠。辛。亥。革。命。事。起。瑞。徵。張。彪。逃。方。休。于。家。舉。至。薪。出。任。事。匿。牀。下。避。之。爲。人。搜。獲。逼。以。手。槍。乃。勉。出。卽。日。被。推。爲。鄂。軍。都。督。然。改。革。非。其。宿。志。屬。官。皆。起。義。偉。人。類。驕。橫。不。可。制。遂。讓。其。權。軍。務。部。已。唯。端。拱。聽。之。當。辛。壬。之。交。鄂。軍。皆。稟。命。孫。武。張。振。武。不。稟。命。元。洪。也。民。國。成。立。以。副。總。統。領。湖。北。軍。事。兼。參。謀。總。長。其。幕。僚。饒。漢。祥。輩。善。屬。文。頗。爲。長。電。致。各。省。皆。箴。砭。武。人。體。念。民。國。之。辭。其。言。哀。婉。深。切。自。是。譽。漸。著。然。所。屬。境。內。初。不。能。禁。軍。用。鈔。幣。及。武。人。干。政。而。其。妾。弟。危。某。者。頗。竊。權。通。賄。賂。又。陳。錦。章。黎。澍。或。竊。帑。逃。或。虧。公。款。至。數。十。萬。元。洪。亦。爲。包。庇。且。畀。以。權。要。是。亦。徇。私。害。公。徒。能。爲。仁。人。之。言。而。已。迨。南。北。交。惡。贛。督。李。烈。鈞。以。兵。過。鄂。疆。北。軍。亦。次。第。南。下。備。戰。知。北。力。強。且。夙。以。誅。張。振。武。得。罪。黨。人。故。益。附。北。而。陽。勸。贛。師。退。陰。擴。北。軍。防。綫。及。湖。口。事。作。李。純。諮。將。順。流。直。下。勢。若。破。竹。者。微。元。洪。功。不。及。此。也。袁。

氏頗德之。而段祺瑞終嫉其奸。虛譽非實。心向北。適其主謀。孫武亦爲袁用。駐鄂北軍。多不承節制。不自安。乞人覲。袁允。卽以祺瑞爲代。然慮所部譁噪。不敢宣新命。去任日。假事渡江。迨段已受事。尙自稱暫攝。以副座。有返旆。告于衆云。其至京也。朝列款譙。驩洽。一日酒酣。袁謂君行歸。楚徒勞。我懷想元洪。知旨自乞留京。袁喜立明令。允其專領參謀。而事皆次長。隨宦主之謀定。第爲書。請時有黎。可以之。號言其遇事。輒云可以。可以也。而世凱終以其望重。祥親之。且聯嫻。迨籌安會起。帝制謀顯著。尙未決。從遠適。湯化龍等咸寓書勸其勿盲從。乃壹志拒帝制。數稱病不謁。三海及封武義親王。聞參謀總長缺。遂通電。明不受爵。發伏不接賓客。世凱病危。延之入。託以後事。元洪欬歔對政。不如命。袁死。初攝行。嗣卽繼任。一反所爲。罷爵秩。除黨禁。復國會。祺瑞方爲總理。固夙嫉元洪者。而段黨徐樹錚尤專橫。與內務總長孫洪伊。閔于朝議。對德絕交。元洪

復不謂然。院擬公牘府易一字。卽擱置不行。愈弗能堪。及納哈漢章黎澍諸人議罷祺瑞職。倪嗣冲楊善德卽豎幟獨立。推張勳擁兵入畿輔。勳惑于康萬卒起復辟。遣使來勸朝謁。辭以疾。再來則勒獻符印者。幕僚皆惶懼請降。乃慨然曰。國體久定。吾安能首鼠從諸人後哉。告使者曰。幸謝張帥。吾不敢惜一死。負國人他非所知。勳欲臨之以兵。康有爲阻之。乃已。無何段師入。勳潰。徐樹錚造謁曰。今日合肥有再造功。公何以處之。答曰。吾方當國。致變起首。善分應。自劾以河間攝任。竢彼就職。自論功行賞。茲何亟亟。樹錚默然。越日竟以僞令復祺瑞總理職。復有衛士形色異時。出入不循號令。所司收鞠之。果受人指謀。狙擊者知不可一朝居。乃以諸印付待從武官丁槐。登途江寧。自移家天津。閉閣息影。非稔交不得登其堂。習書而斜峭不工。尤好梵典。人有叩以時事者。輒笑不置答。

徐世昌

世昌深沈。過于世凱。而機智不逮。亦輓近之才士也。字菊人。天津之世族。祖官南河河工通判。因居于汴。及昌家已中落。踰冠。卽奔走大河南北。爲諸教會司記室。月俸不踰十金也。已而舉于鄉。朋輩讌集。酒餘各言志。至世昌。謂苟捷。春官當以知縣指汴。若除杞縣。太康。必以俸錢多。致賓客。其志蓋如此。戊戌成進士。選庶吉士。已丑留館。授編修。素儉于學。所習唯小楷。試律。時京師主文事者。爲翁同龢。潘祖蔭。皆尙淹博。故久之不獲一差。鄉人王文錦欲援入南書房。亦不得。當時編檢有八紅八黑之目。世昌則八黑之一也。丁戊間。共世凱入保國會。附康有爲議新法。政變。世凱驟貴。乃援之。給新建軍營務。其先居汴時。以少年好騎獵。二人已結昆弟。交袁暴縱。徐恆誠之。雖不盡從而交。以益篤。及拳亂作。世凱首落其賢。張之洞縱之。廻鑿乃召入對。拉后見儀表。端凝。奏事明晰。大

喜。退。告。左。右。曰。若。世。昌。者。足。繼。李。鴻。章。矣。自。是。邀。心。簡。少。遷。國。子。監。司。業。商。部。成。立。督。右。丞。兼。領。北。洋。駐。京。營。務。處。如。故。遂。加。副。都。統。銜。偶。赴。鄉。館。謙。赤。頂。獅。補。同。官。皆。笑。之。嗣。督。兵。部。侍。郎。爲。練。兵。大。臣。奉。派。出。洋。攷。察。憲。政。未。及。行。共。榮。慶。鐵。良。入。值。軍。機。處。擢。巡。警。部。尙。書。丙。午。更。官。制。謝。機。務。專。理。民。政。偕。載。振。使。奉。天。察。辦。事。件。知。奉。帑。藏。豐。適。議。大。更。東。省。官。制。卽。自。請。行。拉。后。嘉。之。立。授。欽。差。大。臣。東。三。省。總。督。兼。筦。三。省。將。軍。事。務。准。破。格。調。用。人。材。撥。鎊。餘。二。千。萬。供。行。新。政。然。所。爲。一。舉。世。凱。之。於。直。隸。精。神。且。遜。之。外。交。任。之。陶。大。均。用。人。任。之。錢。能。訓。實。業。任。之。黃。開。文。唯。能。訓。差。明。幹。大。均。開。文。冗。闊。無。才。時。權。貴。子。弟。戚。舊。南。中。游。士。齎。集。奉。天。科。員。助。理。員。至。千。餘。人。倡。察。戲。園。游。客。若。歸。領。庫。藏。及。鎊。餘。以。供。行。政。費。實。業。初。未。興。舉。越。二。年。而。資。已。罄。釐。造。成。宏。麗。之。公。署。一。他。唯。電。燈。馬。路。之。類。時。世。凱。已。逐。載。澤。陰。秉。國。鈞。知。東。事。不。可。復。任。遂。辭。奕。勳。營。

內調。竟得郵傳部尙書。京官第一。膺仕也。既蒞事。專聽。梁士詒。多取。諛。餘以貽。親貴。適載濤自歐洲歸。經奉天。見廨宇壯麗。軍樂嘹亮。盛誇世昌。敷行新政之。力。奕劻。那桐。交稱之。遂以協辦大學士。授軍機大臣。未幾。晉大學士。世昌以編。修四年。而麟尙書終清之世。漢大臣一人而已。辛亥。漢上起義。力主起袁。內閣。解散。改任軍諮大臣。後授讓帝太保。袁就總統。乃去之青島。凡二年。還任國務。卿。稱相國。丙辰。帝制議起。頻諫袁氏弗從。克定藩之。不自安。辭去。洪憲。僭號。封。入嵩山。四友。俄而西南起義。再出爲國卿。力荐段祺瑞組內閣。既成。再辭去。還。居河南輝縣。輝當山水。其自東三省歸。已買田營室。其地。至是。告人將終。老林。下。已。其病危。招之至。託以家事。治喪。竟仍還輝。及孫洪伊。徐樹錚。闕。元洪。蘇。出。解。紛。至。東。師。日。傾。城。迎。迓。議。定。遂。覓。樹。錚。兼。職。而。逐。洪。伊。去。自。是。就。津。門。居。復。時。世。昌。雖。在。野。而。北。洋。武。人。奉。若。師。長。

威。秉。教。誠。故。或。者。謂。徐。州。天。津。會。議。復。辟。計。畫。皆。所。主。張。而。不。知。其。已。先。事。規。戒。張。勳。矣。迨。馮。段。交。惡。吳。馮。中。變。知。北。洋。派。且。破。裂。自。願。登。臺。收。拾。而。梁。士。詒。方。謀。復。起。亦。聳。世。昌。任。總。統。北。軍。人。並。主。擁。戴。新。議。員。預。議。一。致。推。徐。遂。當。選。爲。第。三。任。總。統。就。職。後。卽。主。停。戰。南。北。構。和。且。欲。裁。兵。節。財。固。順。世。界。潮。流。爲。措。施。其。願。或。終。可。償。世。昌。身。中。貌。清。整。鬢。眉。秀。發。日。光。射。人。對。客。語。言。爽。實。而。不。欲。以。才。氣。自。見。篤。于。故。舊。然。好。用。私。人。行。小。惠。欲。其。激。濁。揚。清。誠。不。可。得。用。公。家。財。奢。而。用。己。財。則。儉。一。妻。二。妾。無。子。兄。世。光。仕。清。爲。登。萊。青。道。入。民。國。曾。爲。河。工。督。辦。嗜。好。頗。深。世。昌。生。平。值。小。事。頗。戒。懼。而。大。難。當。前。則。不。避。危。疑。殆。亦。當。小。敵。怯。大。敵。勇。之。流。亞。與。

馮國璋

字。華。甫。河。間。人。北。洋。武。備。學。生。並。段。祺。瑞。王。士。珍。等。受。知。李。鴻。章。充。淮。軍。洋。槍。

除及砲隊教習。屢保。主候選知縣。乙未。王文韶督直。淮軍漸解散。遂置閒散。已而袁世凱練兵小站。國璋投効軍門。與語。喜其伉爽。立授營官。擢統帶。統領練兵處。成立。充提調。時已保官至道員。宣統初。置軍諮處。授軍諮使。加副都統銜。在儋。蒙中較通文事。載濤頗重之。同官良弼亦謂其質實。辛亥武昌事起。授第一軍軍統。初戰不利。未幾民軍敗。遂復夏口。縱火焚之。乘勝復漢陽。大敗黃興等軍。清室封以男爵。然世凱不欲戰。祺瑞復聯電乞清帝退位。不獲。已怏怏從之。班師還。命統禁衛軍。寵遇與段埒。每侍袁坐。論及民黨。輒切齒。裂眦。欲聚殲旃。世凱知其忠。令出代張錫鑾督直。隸二次革命。作督師。攻江寧。復踵陽夏。故智盡焚。下關。後張勳爲日人所逐。遂移督江蘇。國璋少負氣。在北軍中。有馮蠻子之稱。初出督直。其從弁毆傷外交員王克敏。竟置不問。及喪妻。世凱爲媒。娶宜興周氏。周宿爲女教員。敏達有識。乃勸其交薦紳。獵虛譽。竟易舊行。鎮吳四。

戰。唯。孜孜。營。利。帝。制。議。起。初。不。附。從。且。多。違。言。有。達。于。世。凱。者。遂。授。參。謀。總。長。
令。入。京。供。職。贛。鄂。諸。督。與。蘇。紳。者。交。章。請。留。更。自。登。報。章。謂。始。終。服。從。元。首。無。
攜。貳。意。世。凱。意。解。令。留。鎮。然。國。璋。益。戒。備。暗。聯。絡。西。南。軍。及。袁。死。任。調。停。南。北。
力。主。復。舊。國。會。議。員。德。之。舉。爲。副。總。統。仍。領。江。蘇。督。軍。然。終。持。兩。端。又。嘗。領。銜。
反。對。唐。紹。儀。長。外。交。徐。州。會。議。且。主。張。帝。清。迨。復。辟。禍。作。元。洪。被。逼。退。祺。瑞。要。
其。繼。任。然。已。深。悉。段。黨。專。橫。乃。結。岑。春。煊。陸。榮。廷。爲。外。援。又。以。舊。部。李。純。代。督。
蘇。乃。始。北。上。頗。欲。息。南。北。爭。而。祺。瑞。弗。從。則。曠。王。汝。賢。范。國。璋。遂。傳。良。在。段。不。
自。安。辭。職。去。方。欲。搆。和。張。作。霖。遽。以。軍。內。逼。直。曹。魯。張。皆。請。戰。假。辭。南。下。犒。軍。
欲。遁。歸。江。寧。堅。幟。討。段。次。蚌。埠。辱。于。倪。嗣。冲。狼。狽。歸。祺。瑞。既。三。起。勢。尤。張。樹。錚。
擅。鎗。斃。上。將。陸。建。章。國。璋。熟。視。無。如。何。適。吳。佩。孚。嫉。段。徐。所。爲。馮。玉。祥。爲。建。章。
甥。尤。銜。樹。錚。聯。合。主。和。電。請。罷。兵。段。黨。知。不。能。服。衆。乃。舉。世。昌。祺。瑞。且。明。告。衆。

常與馮一同下野。是以年餘代理總統而易去。江督及副總統段黨報復之烈矣。當謝任仍通電明已主和意。且言不復入政界。第爲世昌挽留仍居京師。國璋負氣敢言狀甚激昂。而中實依違。晚而務得石頭城中商肆多所營業。督江時至以販烟爲報紙所詆。靡宇火。人謂鈔幣被焚者至數百萬。有某報嘗之爲狗。以北軍中宿謂段虎王龍馮狗也。竟訴之大理院。世傳爲笑柄。嘗聞河間人張樹植言。國璋少吝嗇。居京師日。恆轉食諸友所雖遠。道風雨不能阻。有孝廉慈君笑曰。此可謂飛而食肉。誠封侯相也。又嗜食玉田鹹肉。每令館役往購。必整方者。蓋慮切碎爲役竊。食歸自以快刀片之務極薄。免客攘其厚者。偶肉黏刀上。以舌舐之。竟傷而流血。雖細事。嗇可知矣。然其真僞不敢必也。

仲子曰。總統者。國人所賴以爲治者也。辛亥以還。治日少而亂日多。豈元首之不得其人。與。吾觀病國諸禍。莫不起於袁氏。雖鞭其屍不足謝國人。而葬以國。

禮。如。陵。寢。其。羣。從。子。弟。驕。縱。猶。昔。曾。無。人。議。所。以。懲。之。者。然。則。民。國。尚。何。有。是。非。哉。孫。文。徒。好。爲。大。言。用。匪。類。使。其。秉。政。亦。終。必。敗。然。當。民。國。初。建。避。位。讓。袁。甘。謝。權。利。免。衆。塗。炭。不。可。謂。非。仁。人。者。也。或。曰。彼。自。知。不。才。其。讓。也。宜。夫。袁。不。知。其。不。足。稱。帝。段。不。知。其。不。足。統。一。而。勉。強。以。圖。禍。延。全。國。以。孫。氏。較。有。君。子。與。宵。人。之。別。矣。元。洪。庸。庸。宜。多。厚。福。然。其。操。行。之。潔。足。風。國。人。國。璋。首。鼠。依。違。唯。好。貨。財。非。復。赳。赳。本。色。故。同。儕。恆。非。笑。之。使。以。世。昌。之。度。量。智。力。能。屏。絕。私。交。鼓。勵。名。節。國。事。庶。其。有。豸。而。惜。其。深。中。清。末。官。習。卒。不。可。溯。也。噫。

● 官僚

唐紹儀

紹儀者清室之巡撫尙書袁政府之國務總理今日軍政府之總裁可謂君子之善變者矣字少川香山唐氏幼游美通英語文袁世凱充辦鮮商務委員隸

其下爲繙譯官。以縣丞屢擢至同知。嗣從世凱于北洋。升道員。授津海關道。豪縱自喜。以津關羨餘之豐。尙不足供揮霍。其父聞而疑焉。北上察之。乃逐以兵輪比至津。鼓吹騶從。迎迓煥赫。父固鄉人。見而大樂。疑遂釋。嗣開缺。擢京堂。至印度議藏約。歸授郵部侍郎。與尙書張伯熙爭用人權。弗得當。互負氣。不視事。臺諫劾之。並傳旨申飭。後出任奉天巡撫。乃主建西式公署。備器物。費至數十萬。時日勢漸逼。議拒之。紹儀遂使美。終不得要領。歸則奉撫已代。以程德全乃乞病去。後徐世昌入樞府。力荐其賢。洵濤交稱之。竟代徐筦郵傳。然爲載澤所嫉。屬瑞徵劾其假外勢自重。凡部事當商之度支者。皆掣其肘。而侍郎盛宣懷營進尤急。知勢弗敵。復稱疾開缺。代以宣懷。辛亥事起。承袁旨。交通民黨。及罷職。命南下議和。世傳有交換條件。則假比款。資民黨。而民黨以總統讓袁氏。然秘密無人能知其實。民國成立。授國務總理。紹儀固袁氏門人。又加入國民

黨時南北已啓猜嫌。殊不能爲左右袒。政客軍人之攻擊孫黃者。往往牽及比。款制連紹儀。一日會議復爲參謀。次長陳宦所詬。章炳麟等亦謂其買辦人才。不足當國。竟奔遁去。至津。遇鄂軍官黃禎祥。重辱之。窘甚。賴外人調停。乃得歸。滬遂集資起金星保險公司。或謂紹儀仕清無餘資。今乃執公司牛耳。不知其。牛財之道。夫求全之毀。顧安能盡憑耶。然自是竟攜貳于袁。乙卯日約禍作。時。世伍廷芳嘗毀政府。卅凱亦以密探偵二人。行藏帝制興。滇軍起義。遂明電逼。袁退位。已而其族人繼星爲政府捕戮。益聯民黨圖袁。及袁死。國會復。議舉閣。員僉以外交推紹儀。而段黨嫉。諸督軍反對之。以馮國璋張勳領銜。通電指其。醜行甚多。謂果任紹儀者。以後外交訂約。各省不復承認。遂趨趨不敢進。旋辭。罷。自是遂爲民黨領袖。然更事漸多。值危難。亦不欲冒昧承乏。當西南討段。孫。文開幕府廣州。以外不界之。知段氏倚日爲奧援。乃東渡游說。然軍閥當國。說。

莫能入。則留日。觀變。比原敬秉政。歐戰陡定。始歸滬上。梁士詒者。舊黨紹儀。雖以帝制宗旨不同而交誼猶昔。乃溝通唐徐和議。遂啓紹儀語言。仇爽若無城府者。當官多用私人。政無足紀。性奢靡。用公私財。咸如泥沙。每飯左右列案。僕分華洋中坐而食之。在京師日。每出游歸。後車纍纍。皆東西洋環貨。烏利文利。威諸行。聞唐至。承迎恐後。施肇基。顧維鈞。皆其婿。遼人傳說。紹儀作撫時。至取商品陳列。所品物爲女子粧奩。是則操行殆不可問矣。

趙秉鈞

秉鈞之歿久矣。不當廁于當代。然自其遣應武擊宋。南北水火。遂至今日。關繫不綦重哉。故援世凱例而收諸官僚。傳中云。字智鑫。汴人也。故袁氏姻婭。以縣主簿官山東。嘗爲巡撫署巡捕。從世凱入直隸。屢遷至道員。督辦天津巡警。素諳津俗。蒞事以猛爲治。獲會匪棍徒以紅封達總督。立戮之。日殺數十人。凡拳